



LETTRE DE MONSEIGNEVR

LE PRINCE A MONSIEVR
DE ROHAN.



MONSIEVR,
les precises volō-
tés du Roy d'en-
tretenir ceux de
la Religion pret.
ref. en vne entiere
liberté de conscience, & les faire
jouyr des benefices à eux accordés
par les Edicts auoient jusques icy
fait conseruer tous ceux qui sont
demeurés dans l'obeissance deue à
sa Majesté, tant dans le plat pays
que villes Catholiques en vne en-
tiere seurte. La Chambre a eu son

Case

F

39

.32 &

1628c

libre cours; le Presche s'est continué par tout, horsmis en deux ou trois lieux où ils seruoient non d'exercice de Religion, mais de moyen de s'acheminer à la rebellion; Les Officiers du Roy des villes rebelles, ont continué leurs charges: En vn mot, on a traitté également le pretendu reformé obeissant, au Catholique fidelle au Roy: Aussi les plus aduisez de vostre Religion ont maudit vostre rebellion, & cognu que jamais le Roy ne leur a fait de mal que celui que vous & eux vous estes procuré vous-mesmes, attirant par vos desobeissances la malediction de Dieu, & la juste colere du Roy sur vous. I'ay veu par la lettre qu'escriuez à monsieur de Nesmont & resolution de l'assemblee d'Anduze à quels termes vous portés le desesper, de voir vos finesses descouuertes, & la folle resolution que prenez

contre les Catholiques. Ceux qui ont esté prins à Galargues sont pendus par vostre ordonnance, puis que vous avez preferé de garder Aymargues à leur vie par toute reigle de guerre, quand elle seroit entre deux souverains, ils perissent justement: Mais en celle ci, qui est du valet au maistre, du subiet tel que vous estes avec son Roy souverain; Ouyr vos menaces, tant contre les prisonniers que tenez, d'autre nature que les nostres, & contre les Catholiques restez dans les villes rebelles, cela retombera sur vous; vous crachez contre le Ciel, & vous & vos suiuaus en sentirez tost ou tard vne punition exemplaire. Pour moy ie vous aduertis que ie ne lairray de disposer des prisonniers prins à Galargues comme j'entendray, & avec railon: Et outre Saignac que ie tiens, & trête autres avec lui qui sont

aux prisons de Tolose, les prison-
 niers du trappet de Montpelier, &
 tous autres prins & à prendre souf-
 friront le mesme traitement que
 ferez à ceux que vous tenez, & tous
 les huguenots des villes du Roy, les
 Ministres non exceptés, ni les offi-
 ciers, le mesme que ferez recevoir
 aux Catholiques qui sont en vostre
 puissance dans les villes que vous
 occupez, tenez le tres-assuré. Et
 sur la fin des abbois de la Rochelle
 à cette heure, que les Anglois co-
 gnoissent vos tromperies, vous ont
 abandonné, contentez vous d'avoir
 adiousté à toutes les rebellions pas-
 sées trois crimes notables: le premier
 d'avoir vous seul appelé les estran-
 gers dans le Royaume, & vous en
 estre vanté par escrit, le second d'a-
 voir créé des Officiers de justice: le
 troisieme d'avoir faict battre mon-
 noye, marquez Royales, deuës

5
au Roy seul, Dieu vous recompense
selon vos bien-faiets & vous donne
vn bon amendement, de moy ie
voudrois de bon cœur que le serui-
ce du Roy me permist destre

MONSIEVR,

Vostre affectionné seruiteur
HENRY DE BOURBON.

*Monsieur de MONTMORANCY
a veu la presente & la permis.*

De Beziers ce premier
Nouembre, 1628.

Le Roy leur a bien voulu
accorder ce qu'il leur a
demandé, & leur a fait
sçavoir qu'il leur a fait
sçavoir que le Roy leur
a bien voulu accorder ce
qu'il leur a demandé.

Montreux

Vostre humble
serviteur
Léon de Bonvillan.

Montreux de Montmorancy
à la suite de la suite

De la suite de la suite
Montreux, 1628.



